


Bibel fa Kjinja
brinjt junt

Jesus heelt eenen Blinjen



Jeschräwen von: Edward Hughes
Jemolt von: Alastair Paterson; Janie Forest
Toom Pauss jestalt von: Ruth Klassen
Äwasat von: Ed Zacharias
Hääjestalt von: Bible for Children
www.M1914.org

BFC
PO Box 3
Winnipeg, MB R3C 2G1
Canada

©2022 Bible for Children, Inc.

Jesazlich: Du doascht dise Jeschicht oppnämen ooda drekjen,
soo lang aus du dee nich vekjafst.


1

Bartimäus (Bar-tim-ä-us) wia blint. Hee saut foaken aune Kaunt Wajch dichtbie Jericho. Hee wia een Pracha, un eenje leefтолje Menschen jeewen am een Zent ooda waut to äten. Bartimäus kunn nich oabeiden wiels hee blint wia. Hee must prachren.




2

Een Dach wieren doa väle opp dän Wajch. Bartimäus hieed Menschen gonen. Waut wia doa blooss? Boolt hieed Bartimäus waut doa wia. Jesus von Nazaret wia enne Staut. Väle kjeemen toom am seenen un toohorchen.




3

"Jesus, du David sien Sän, hab Metleet met mie," roopt hee. Wuarom docht hee Jesus kunn halpen? Veleicht haud hee jehieet daut Jesus andre jeheelt haud, soone waut doof, stomm ooda vekjräpelt wieren, un uk blinje, soo aus hee. "David sien Sän, hab Metleet met mie," roopt hee emma wada. Daut wia to hieren, hee wia mootich.




4

Bartimäus docht, wan hee nu nich Help kjrieech, wudd hee veleicht nienich wada soone Jeläajenheit haben. Jesus wudd doa veleicht nich noch eemol komen.



5

Bartimäus wull sea jieren Jesus seenen. Oba doa wieren väl Menschen, un eenje schullen am un säden hee sull stell sennen.




6

Oba Bartimäus bleef nich stell. Hee schrieECH luda. Met eenmol hilt Jesus aun un horcht. Hee säd see sullen dän Maun brinjen. "Horch emol," säden see to Bartimäus, "Sto opp. Hee roopt die."




7

Bartimäus schmeet sien Kjeleet tosied, stunt opp un kjeem no Jesus.



8

"Waut west du von mie haben?"
fruach Jesus. Waut wurscht du
jesajcht haben? Wurscht du no Jelt
ooda schmocke Kjeleda jefroacht
haben? Wia daut waut
Bartimäus haben wull?



9

Nä. De blinja Bartimäus fruach
nich no Golt ooda schmocke
Kjeleda. Du weetst
waut hee
wull.




10

"Meista, ekj well seenen kjennen." Bartimäus wull
wada seenen. Hee wull de Beem un Väajel un de
grootatje Natua dee Gott jemoakt haud seenen.
Hee wull sikj bäta weeten, un nich prachren.



11

Jesus säd to Bartimäus, "Du saust seenen.
Dien Gloowen haft die jeholpen."



12

Hee kunn fuaz seenen un jinkj met Jesus. Aules
waut hee sajen kunn wia, "Gott es groot! Hee haft
mie jeheelt!" Dit
wia waut sea
besondret
fa Bartimäus.



13

Aule Menschen waut
daut sagen, dankten
Gott. See hauden wada
jeseenen waut Jesus,
Gott sien Sän, doonen
kunn. Hee haud eenen
blinjen jeholpen daut
dee seenen kunn.



14

Jesus heelt eenen Blinjen


Eene Jeschicht von en daut Wuat Gottes,
de Bibel

finjt eena en

Markus 10, Lukas 18, Johanes 9

"Wan dien Wuat openboat woat,
jeft daut Licht." Psalm 119:130

15



50

60

16

Dise Biblische Jeschicht sajcht ons von onsen wundascheenen
Gott, see ons jemoakt haft un ons well kjanenlieren.

Gott weet daut wie schlijchtet jedonen haben, waut hee Sind
nant. De Strof fa Sind es de Doot, oba Gott siene Leew fa ons es
soo groot, daut hee sienen eensjen Sän, Jesus, schekjt, daut hee
aum Kjriez stoawen sull un de Strof fa onse Sind nämen sull. Dan
stunt Jesus vom Doot opp, un fua no sien Tus em Himmell! Wan du
dän Gloowen aun Jesus hast, un am frajchst diene Sind to
vejäwen, dan deit hee daut! Hee kjemt dan un läft en die, un du
woascht opp emma met am läwen.

Wan du dit jleewen kaust, dan saj to Gott:
Leewa Jesus, ekj jleew daut du Gott best, un worscht een Mensch
toom fa onse Sind to stoawen, un daut du nu wada läfst. Komm en
mien Läwen un vejeff mie miene Sinden, soo daut ekj nu nieet
Läwen haben kaun, un noch emol opp emma no die kom. Halp mie
daut ekj die jehuarsom sie, un fa die läw aus dien Kjint. Amen.

Lass de Bibel un räd jieda Dach met Gott! Joh. 3:16

17